

kontuola...

KONTUOLA, Idolaz elkarte, ANTZUOLA. Kазetaria: Marijo Deogracias Maketazioa: Iñaki Iturbe Publizitatea: Uxue Zabaleta Erredakzio kontseilua: Miren Anduaga, Gotzon Iparragirre, Patxi Kortabarría, Jone Larrañaga Testuen zuzenketak: Mariipi Laskurain, Lierni Legorburu Telefonoa eta faxa: 943 76 65 08, Herri ikastetxea.

Antzuolako hamabostekaria, 50. zenbakia. 2000ko urtarrilaren 14a.

Hasi da Zaharkinak proiektua

Hamaika gaztek dihardute baserriz baserri lehengo tresnak zenbatzen

Gabonetako oportetan hasi ziren baserri baserri garai bateko tresnak zenbatzen eta bakoitzaren fitxa tekniko bat osatzen. 13 eta 14 urte arteko antzuolar neska talde bat ari da lan horretan. Gero erakusketa bat egitekotan dira eurek jasotako informazioa erabiliz.



Neska hauek ari dira Zaharkinak proiekturako informazioa batzen.

Aurreko batean kontatu genizuen bezala herriko baserrietan dauden tresna eta lanabes zaharren artxibo bat egiteko proiektua da Zaharkinak. Eta horretan hasi dira herriko hamaika lagun. Gabonetako oporrak aprobetxatuz hiru taldetan banatu dira eta baserriz baserri joateari ekin diote. Bakoitzean aurkitzen dituzten gauzei fitxa tekniko batzuk osatzen dituzte: izena, non lortu den, erabilera, neurria, noizkoa den, zein baserrikoa den, nork eman dien informazioa eta zein egoeratan dagoen tresna hori. Azkenik tresna bakoitzari argazki bana ere ateratzen diote.

Hamaika neska eman du izena lan hau egiteko. Guztiak 13-14 urte bitartekoak. Eurek kontatu digutenez, "hasi familiakoen edo lagunen baserrietatik hasi gara, baina guztietara joan beharko dugu. Oporretan hasi eta gero zapatuetan ibili beharko gara, baina jakin badakigu baserriarrendako zapatua ez dela egunik onena. Egun horretan kalera jaisten dira eta, guk, bertako zaharrenekin egon nahi baldin badugu ere eurak direlako gehien dakitenak, eurek, normalean, nahiago izaten dute seme edo alabaren bat baldin badago bertan; eta zaila izaten da une egokia topatzea. Dena dela, horretaz Udala arduratzen da".

Alazne Alberdi, Uxue Arregi, Iraia Gabilondo, Iraitz Gastiain, Edume Iturbe, Izaro Lizarralde, Maider Martin, Miriam Morais, Agurtzane Mujika, Maddalen Toledo eta Lierni Zubillaga ari dira lan horretan. Baserri bakoitzean 40 gauza baino gehiago aurkitu dutela baieztatu digute eta "200 urtetik gora daukatela esaten digute baserriarrek. Batzuetan, gainera, jakin ere ez dakite nolatan dagoen tresna hori euren etxean".

Kontatu digutenez "lan polita da eta gauza asko ikasten ari gara. Gainera

baserriarrei tresnak zertarako erabiltzen zituzten entzutea ikaragarria da". Bitxikeriak aurkitu dituztela ere esan digute: "Galardin trena zetorrela abixatzeko kornetia daukate oraindik, baina bestelakorik ere ikusi dugu: ur bedeinkatua eramateko pitxarra, odolostiak egiteko brontzeko ontzia, pisu erromatarra, gaztainak batzeko pintzak, zutiko-zerra, talo egiteko "talo-palia" edo "talo-palua".

"Tresna berdinei izen ezberdina ematen zaio batzuetan baserri batetik bestera, herritik gora edo behera". ■

■ ■ ■
Antzuolako baserri guztietara joango dira
hango tresnen berri jasotzeko
■ ■ ■

Lau urteren bueltan etxean da Juan Jose

Abenduaren 18an atera zen Basauriko espetxetik. Joan den zapatan on

Lau urte eta pare bat hilabete izan dela dio Juan Jose Aranburu, "Polleruak" espetxean egin duen denbora. Joan den abenduaren 18an atera zen eta bisitara joan zenak, Basauriko kartzelaren atearen aurrealdean aurkitu zuen Pollerua "periodikua leitzen". "Segurua be etzan 18xan irtengo nintzala eta horregaittik eneban ezer esan". Joan den zapatuan herri bazkaria egin zen herriko pilotalekuan. Ongi etorri bazkaria izan zen.



Zer iruditu zitzaizun ongi etorria?

Barruan be pentsatzen giñuan aukeria eukiezkero, irten eta lagun gutxi batzuekin hor zihar juango nintzala egun pasa. Askatasuna emoten dotsuen eguna hain da politta momentu hori, jente askorekin ezala apreziatzen. Baiña proiektiño publiko bat daukazu eta ixilixan ezin zara ibilli. Jente bat hor ibilli da zure alde eta gero militantismoz besterik ezpada egin bihar dozu. Baiña eneukan holako ongi etorritarako gogorik, baiña eskerrak emotia nahi jat jentiarri. Pasada bat izan zan, gehixegi. Dana dala, Eltzikorta, Iker Loiti eta beste danak etxian egon arte, lanian segittu bihar da presuen alde.

Zer itxura hartu zenion Antzuolari?

Lau urtian asko ezala aldatu. Hobera egin dau: baztarrak txukunaguak dare... baiña alde haundik pe ez, obra batzuk bai, baiña... Lizarraga auzuan egon nintzan eta basarriak pe oso ondo ipiñitta dare: Akiñabei, Laskurain txiki... Zatarrena frontoitzar hori: aldapia, harri sueltua, arbola bittartia... Etxe berrixekin konponduko dabe. Horretaz aparte, trafikua gehixago dago. Jentia be aldatu da, batez be zaharrak eta gaztiak. Zahar



Pollerua Eltzikortaren ama agurtzen.

batzuk "bajoia" emonda dare eta lehen patiñekin ibiltzen zien gaztiak orain zuri-tuak hartzen dittue.

Euskal Herriaren egoera aldatu da?

Hor bai aldatu dala. 1995ian egon zien sekuestruak, "Euskal Herria askatu" pankartiakin zela ibiltzen giñan... Barruan gendela be, Blancona, Ortega Larana... Su etenarekin be zela aldatu dan ikusi da. Ajuria Eneako paktuakin danak espāñolistekin eta gu bakarrik. Eta gero, espāñolak alde baten eta abertzaliak beste aldetik. Aldaketia egon da; lehen bakarrik genden eta orain abertzaliak batu egin gara eta espāñolistak geldittu die bakarrik. Lau urtetan Ajuria Eneatik Lizarra-Garazira.

Horretaz berba egiten zenuten?

Asko. Beste kontu haundirik be ezta egoten eta holako gauzak gertatzen

dienian asko berba egitten da. Baiña beti kontu igualak esaten, danok antzera pentsatzen dogu... ezta nobedadeik egoten.

Espetxe aldaketak nola bizi izan dituzu?

Lau urtetan bost kartzelatan egon naiz, baiña egin egitten zara laiste, 15 egunetan. Gaiñera kartzela danetan dago euskaldunen bat eta etzara bakarrik

"Sua pizteko txispia dirauak jentia mobitzeko lehenengusua dau. Onena litzake hobih...

Igor eta Txomin



Margoak orokorrean

ANTZUOLA
609 157 131

BERGARA
609 150 164

EGAÑA

Era guztietako arotz lanak

Tarima eta parketa jartzea
Zoruen kutxilatatu eta barnizatuak

Kalegoi 21, ANTZUOLA Tf.: 943 76 64 23

KALEGOI 19 ☎ 943 76 64 07

Tomas Gezalaga

ANTZUOLA BERGARA

• Zoruen kutxilatatu eta barnizaketa •

Patxi Aranburu, "Pollerua"

batzuzatzaile ongiatorria egin zioten udal pilotalekuan

inoiz egoten. Bestalde, mentalizatuta zare leku horretan aldi baterako egon behar zarela. Dana dala kanbixua ondo etortzen da jente berrixa ezagutzeko eta horrek ekartzen dotsu monotonixiak inapurtzia, zeldia garbittu biharra..., ze euskaldun bat daguan lekuan ordenia eta garbittasuna egoten da.

Pertsonalki zer ekarri dizu kartzelak?

Esperientzia bat. Miserixa hori ikustiak zeozertarako balio dabela uste dot, gauza txikixak apreziatzeko. Askatasuna kentzen dotsue eta gero ikusten dozu jente bat zela bizi dan, España osuan 50.000 edo gehixao: zela daren, kartzelatan zela bizi dien eta estaduak zela tratatzen dittuen... dabitx jentia zapalzen, marjinatzen eta jentia hiltzen. Kartzelia ezta problema konpontzeko bidia. Kartzelia kaja bat da, han problema sartzen da eta gero itxi egitten da. Baiña gero pertsona hori etaratzen dozu kalera eta zer egin bihar dau. Funtzionarixuak bai, baiña maistro gutxi. Kartzelia ezta soluziñua. Preso komunak ezta organizatuta eta darenak oso gutxi mogitzen die eta preso soziala sentitzen da oso bakarrik, ezin da kejavu eta dana kontra dauka.

Gehixenak gaixuak die, drogak die-la eta barruan bukatu dabe eta beste

batzuk lapurrak die eta danak batera dabe.

Konponbidia konplikaua da. Batzuk igual salbauko zian estudixuekin eta, baiña beste batzuk...

Presoen aldeko talde asko sortu da Euskal Herrian. Antzuolan ere plataforma bat ari da lanean, zer deritzozu?

Jente asko mugitzen da, orain dala urte batzuk mugitzen zana begiratuta: Antzuola, igual, espezpiño bat izango da, baiña jentia gehixao mugittu bihar da. Ezta nahikua presuak ekarri bihar diela eta horren alde egotia.

Presoak ere euren borroka egiten ari dira, gose greba tarteko.

Tristia da lagun bat horrela ikustia. Eguna luze, triste, umoria galtzen da eta familixiak sortzen dan girua: ama negarrez... Eta ezta kondiziñuak. Osasuna arriskatzia da. Baiña egin egin bihar da: sua pizteko txispia dira presuak eta zenbait gauzatan jentia mugitzeko lehe-

nengo pausua presuak emon bihar dau. Onena litzake horren biharrik ez eukitzia eta jentia berez irtetzia, baiña barruan "follolla" montau bihar izaten da kalian mugitzeko.

Edozein modutan zeozer falta da, konbentzimentu hori falta dogu, esateko: ba hemen geldittu egin bihar dogu hau kopondu arte. Eztakit zer falta dan, baiña zeozer bai.

Egin dien gauza txiki honek danak positibuak die, baiña ia benetan erabakixia hartzeko balio dabena asmatzen dogun. Eta horrekin batera beste dana: autodeterminaziñua esaterako. Ezta go biderik gure erabakixia hartzeko. Urna bat jarri bihar da: kanpaiña on bat egin eta aukeratu eta hori egitten ezta bittartian... Oindiokan indarrak nahiko pare dare, baiña hemendik 25 urtera aukera hori mantentzen baldin bada, España badoia pikutara eta ezta nahi aukera hori emotia.



Eltzikortari agur bat:

Lasai hartzeko. Ointxe arte moduan gogor jarraitzeko. Besarkada haundi bat eta eutsiko jaula. Ez garela ahaztuko. Herriko bakarra bera dala eta segittu egingo dogula preso bat barruan daguan bittartian. ■



Patxi Olabarriak aurrekua dantzatu zion Polleruari.

irauak eta gauza batzutan
engusua presuak emon bihar
biharrik ez eukitzia"



Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan egiten ditugu DIBAREN bidez
- Birgaitze-espeditentak bideratzen ditugu

LARREA

TABERNA

Kalebarren 17
ANTZUOLA



Antzuolarron Independentzia Eguna

Urtarrilaren 15ean, zapatuan, ospatuko da Antzuolarron Independentzia Eguna. Goizeko 10:00etan hasiko da txistularien kalejirarekin eta 11:00etan herri probak egongo dira herriko plazan, Antzuola, Aiherra eta Donostiako Antiguozuzoan lagunen artean. Herri poteoaren

ondoren 14:00etan bazkaria egingo da herriko pilotalekuan. Dantzariak, trikitilariak, kuadrilen ekitaldiak eta txaranga egongo dira bazkalostean. 22:00etatik aurrera, Gaztetxean erromeria egingo da. Egun horretan baserriar jantzita ateratzea eskatu dute antolatzaileek.

BARKERORI OMENALDIA

Joan den abenduaren 17an auto istripuz hil zen Xabier Barkero antzuolar gazteari omenaldia egin zitzaion joan zen domekan Estala futbol zelaietan, Antzuola eta Eibartarrak taldeen arteko partidaren atarian. Xabierrek Antzuolako futbol talde nagusian jokatu zuen. Zelaira bi taldeetako kapitainek Xabierren 10 zenbakidun kamiseta atera zuten esku artean eta zelai erdiraino joan ziren, euren taldekideak atzetik zituztela. Hantxe, Estalara gerturatu zen jendea agurtu eta minutu bateko ixilunea egin zuten jokatu zuten hasi aurretik. Partidari dagokionez, 8 eta 1 irabazi zuten antzuolarrek, Berraondok, Bidaurrek, Arregik, Ibaiek, Juanpek, Elkorok eta Enekok sartutako golei esker.



Okerrak zuzendu eta Antzuolako euskeran emon

1. Solfeo hasi bittartian irtetzen gara kanpora?

1.

2. Zure moduko prakak dauzkate.

2.

Izen-abizenak eta telefonua:

idolaz bertako hizkeria
ANTZUOLA

Aurreko Kontuolako erantzun zuzenak:

1. Zuk guri karameluak emon doskuzu.

2. lez be diskua erosi natsan amari.

Sarituak: Uxo Agire eta Xabin Murumendiaraz

Eskuman erantzungak idatzi ostian, moztu eta laga Antzuolako udal liburategian, DATORREN EGUAKITZA BAIÑO LEHEN.
Erantzun zuzenen artian 5.000 pezeta eta "Antzuolako hizkera" liburua ere bat zozketatuko ditugu hantxoestero.

GOROSTI
Taberna

☎ 943 76 62 96
Zurrategi plaza ANTZUOLA

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Biltegia: 943 78 70 40

GAILUR

taberna eta
gozotegia

Buztinzuri 13 ANTZUOLA
Tf. 943 78 70 32

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak
- Paper margotuak
- Moketak eta tapizatuak